



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE  
Razvojni tim za izradu Strategije razvoja  
općine Tešanj za period 2018-2022**

Datum: 07.09.2017.godine

**Z A P I S N I K  
sa sastanka Vođe Razvojnog tima, Vođa Sektorskih timova i predstavnice UNDP-a**

Sastanak održan dana: 07.09.2017.godine s početkom od 14,00 sati u Maloj sali za sastanke.

**Prisutni:** Vođa Razvojnog tima Fuad Šišić, predstavnica UNDP-a Snežana Mišić, vođe Sektorskih timova Mirza Kotorić, Selma Bradarić, Adnan Lihić, Općinski načelnik Suad Huskić i tehnički sekretar Sajda Klepić.  
**Odsutna** Almina Alagić.

**Dnevni red**

**1. Prva evaluacija i instrukcije za dalji rad.**

**Ad.1**

**Komentari konsultantice na glavni dokument Strategije:**

Tekst za poglavlja „Uvod“ i „Metodologija izrade Strategije“ - treba pregledati i dodatno prilagoditi.

Redosljed poglavlja – pokušati pregrupisati tako da bude bolje usklađen sa tipičnom MiPro strukturom strategije, Skratiti tekst SEA . Numerisati sve grafikone i upisati nazive. Tabele – dobro bi bilo referencirati svaku tabelu u tekstu. Pojedine skraćenice u tekstu nisu dovoljno poznate, pa je teško razumjeti na šta se misli – najbolje je prilikom prvog pominjanja upisati puni naziv, a skraćenicu u zagradi, da bi se u kasnijem tekstu koristila isključivo skraćenica. Greške u kucanju treba provjeriti.

SWOT analiza: 1) U Ekstraktu provjeriti da li se sve navedene stavke nalaze i u dugačkoj verziji SWOT analize. 2) Razgovarati o prilikama – šta definišemo kao prilike (faktori koji ne zavise od općine/ lokalnih aktera)? Alat za koherentnost – poboljšati definicije indikatora uglavnom vezano za dodatno preciziranje vremenskog okvira ili nivoa detalja u skladu sa pravilima za popunjavanje Alata za koherentnost. Kao referentna godina pisana je 2017., međutim, u skladu sa raspoloživim podacima u SEA, može se promijeniti u 2016. Ili čak neku raniju godinu za koju su rađena posljednja mjerenja.

**Realizacija:**

- Redosljed poglavlja pregrupisan i usklađen sa tipičnom MiPro strukturom strategije.
- Numerisani svi grafikoni i upisani nazivi.
- Alat za koherentnost- izvršene korekcije/ dopune i izmjene indikatora na koje je konsultantica imala primjedbe. Manje dodatnih korekcija napravljeno je u ekonomskom sektoru, dok su u društvenom i okolišnom sektoru indikatori presloženi po nivoima.
- Sastanak RT – iduće sedmice.
- Uključiti partnersku grupu – iduće sedmice.

Sastanak završen u 16,00 sati.



**Vođa Razvojnog tima  
Fuad Šišić**